

Članice Vijeća za regionalnu saradnju

Albanija*
 Austrija*
 Bosna i Hercegovina*
 Bugarska*
 Kanada
 Vijeće Evrope
 Razvojna banka Vijeća Evrope
 Hrvatska*
 Češka Republika*
 Danska
 Evropska banka za obnovu i razvoj
 Evropska investiciona banka
 Evropska unija (EU), koju predstavlja predstavnik Visokog predstavnika Unije za vanjske poslove i sigurnosnu politiku i predstavnik Evropske komisije*
 Savezna Republika Njemačka*
 Finska*
 Francuska*
 Grčka*
 Mađarska*
 Međunarodna organizacija za migracije
 Irska*
 Italija*
 Latvija*
 Moldavija*
 Crna Gora*
 Sjevernoatlantska ugovorna organizacija
 Norveška*
 Organizacija za ekonomsku saradnju i razvoj
 Organizacija za sigurnost i saradnju u Evropi
 Poljska
 Rumunija*
 Srbija*
 Slovačka
 Slovenija*
 Inicijativa za saradnju u Jugoistočnoj Evropi
 Španija
 Švedska*
 Švicarska*
 Bivša Jugoslovenska Republika Makedonija*
 Turska*
 Ujedinjeno kraljevstvo
 Ujedinjene nacije
 Ekonomska komisija Ujedinjenih nacija za Evropu
 Razvojni program Ujedinjenih nacija
 Misija privremene uprave Ujedinjenih nacija na Kosovu (UNMIK) u ime Kosova, u skladu sa Rezolucijom 1244 Vijeća sigurnosti Ujedinjenih nacija*
 Sjedinjene Američke Države*
 Svjetska banka

*članice Odbora Vijeća za regionalnu saradnju

■ NAŠA MISIJA

■ Vijeće za regionalnu saradnju promovira uzajamnu saradnju i evropske i evro-atlantske integracije Jugoistočne Evrope u cilju poticanja razvoja u regionu na dobrobit svih njegovih građana.



Regional Cooperation Council

Sekretarijat Vijeća za regionalnu saradnju

Trg Bosne i Hercegovine 1/V
 71000 Sarajevo
 Bosna i Hercegovina
 Tel: +387 33 561 700
 Fax: +387 33 561 701
 E-mail: rcc@rcc.int

www.rcc.int
 twitter.com/rccint



BS

saradnja, evropske i evro-atlantske integracije u jugoistočnoj evropi



Saradnja, evropske i evro-atlantske integracije u Jugoistočnoj Evropi



“Poticanje napretka i rasta putem regionalnih aktivnosti u Jugoistočnoj Evropi, uz istovremeno podržavanje evropskih i evro-atlantskih integracija osnovne su aktivnosti Vijeća za regionalnu saradnju. Naš region posmatramo kao mjesto dijaloga, slobode i mobilnosti, bogato kulturnim naslijeđem, gdje se svi osjećaju sigurno i zaštićeno vladavinom zakona. Naš rad odražava spremnost i sposobnost ljudi u Jugoistočnoj Evropi da preuzmu odgovornost za vlastitu budućnost i stvore uslove za sveukupan napredak u okruženju punom tolerancije i saradnje.”



Goran Svilanović, generalni sekretar Vijeća za regionalnu saradnju

Osnovne informacije o organizaciji

Vijeće za regionalnu saradnju (RCC) formirano je 27. februara/veljače 2008 godine, kao nasljednik Pakta stabilnosti za Jugoistočnu Evropu.

Vijeće je operativna ruka Procesu saradnje zemalja Jugoistočne Evrope (SEECF) i funkcioniše kao fokalna tačka za saradnju u Jugoistočnoj Evropi (JIE) kroz okvir koji je u regionalnom vlasništvu i pod njegovim rukovođenjem, a koji također podržava evropske i evroatlantske integracije. RCC također djeluje i kao forum za stalnu uključenost međunarodne zajednice koja je angažirana u regionu.

Organizacija potiče zemlje iz JIE da bolje iskoriste pomoć koja je dostupna za regionalnu saradnju, i to prije svega kroz Višekorisnički instrument EU za predpristupnu pomoć (MB IPA), time što će aktivno učestvovati u radnim grupama za izradu strategije MA IPA.

Rad Vijeća za regionalnu saradnju fokusiran je na pet prioritarnih oblasti:

- ekonomski i društveni razvoj
- infrastruktura i energija
- pravosuđe i unutrašnji poslovi
- sigurnosna saradnja
- izgradnja ljudskih potencijala i parlamentarna saradnja

Osim toga, imajući u vidu ulogu medija u oblikovanju demokratskih, pluralističkih i uključujućih društava u regionu, aktivnosti Vijeća na razvoju medija, koje su po svojoj prirodi komplementarne, usmjerene su na poticanje razvoja slobodnih i profesionalnih medija u JIE.

Glavni operativni dokument kojim se usmjerava rad Vijeća za regionalnu saradnju je Strategija i program rada za period 2011.-2013. godina koji je odobren na samitu SEECF-a u junu/lipnju 2010. u Istanbulu.

Članstvo Vijeća za regionalnu saradnju broji 45 zemalja, organizacija i međunarodnih finansijskih institucija. Vijeće ima Sekretarijat

sa sjedištem u Sarajevu, u Bosni i Hercegovini, kojeg predvodi generalni sekretar Goran Svilanović. Pored glavnog sjedišta u Sarajevu, Sekretarijat ima i Ured za vezu sa evropskim i evroatlantskim institucijama u Briselu.

Format sastanaka Vijeća sastoji se od godišnje skupštine i sastanaka Odbora Vijeća koji se održavaju svaka tri mjeseca. Odbor Vijeća daje operativne smjernice organizaciji, a sastoji se od onih članica Vijeća koje doprinose budžetu Sekretarijata Vijeća, kao i Evropske unije (EU).

Ekonomski i društveni razvoj

Vijeće za regionalnu saradnju promovira regionalni ekonomski i društveni razvoj u JIE kroz koordinaciju, pomoć i podršku regionalnim društvenim i ekonomskim inicijativama, te kroz njegovanje dijaloga u realizaciji međusobno zavisnih regionalnih napora. Ključni ciljevi obuhvataju:

- poboljšanje investicione klime i okruženja pogodnog za poslovanje u JIE;
- poboljšanje pristupa finansijama za privatni sektor u regionu;
- uključivanje planova vezanih za zapošljavanje i društvo u razmatranja ekonomskih reformi;
- promoviranje razvoja informacionog društva u Jugoistočnoj Evropi.

U cilju postizanja ovih ciljeva, Sekretarijat Vijeća za regionalnu saradnju ima partnerske odnose sa brojnim važnim regionalnim organizacijama, inicijativama i mrežama.

Centralnoevropskim sporazumom o slobodnoj trgovini (CEFTA) iz 2006. godine uspostavljena je zona slobodne trgovine na čijem se dodatnom produbljanju i dalje radi. Investiciona komisija za JIE (SEEIC) kojom upravlja RCC glavni je regionalni forum za razmatranja reformi koje se odnose na investicije, te za dostavljanje analiza i savjeta o relevantnim politikama. Poslovno savjetodavno vijeće za Jugoistočnu Evropu, kao produžena ruka RCC-a za privatni sektor, pomaže da se u procesu ekonomskog razvoja u JIE čuje i glas privatnog sektora. Inicijativa za elektronsku Jugoistočnu Evropu (eJIE) podržava razvoj informacionog društva u regionu. Druge inicijative i mreže obuhvataju oblasti trgovine, poljoprivrede, promocije ulaganja, javno-privatnih partnerstava, ženskog preduzetništva, zapošljavanja i socijalne politike, sindikata i javnog zdravstva.



Vijeće podržava ove i druge inicijative u zajedničkim naporima da se razvije održiva i konkurentna tržišna ekonomija u zemljama JIE potpomognuta pravičnim i uključujućim socijalnim sistemima.

Infrastruktura i energija

U svom radu Vijeće za regionalnu saradnju pažnju poklanja energiji i infrastrukturi kao pretpostavkama ukupnog ekonomskog, društvenog i okolišno održivog razvoja, stabilnosti i prosperiteta. Vijeće djeluje u cilju:

- podrške provedbi Sporazuma kojim se uspostavljala Energetska zajednica;
- promocije razvoja održive energije u regionu i prenosa znanja zemalja članica EU o projektima održive energije;
- doprinosa pripremi i realizaciji Strategije za dunavsku regiju pri čemu se promovira pristup „odozdo prema gore“ i saraduje sa lokalnim vlastima, civilnim društvom i medijima;
- promocije višesektorskog pristupa rješavanju problema cestovne sigurnosti;
- doprinosa razvoju vazdušnih prometnih veza unutar regiona;
- ispitivanja potencijala za podršku intermodalnosti i mogućnosti zajedničkog djelovanja transportne infrastrukture;
- podrške Procesu saradnje podunavskih zemalja i Međunarodnoj komisiji za basen rijeke Save. Vijeće također saraduje sa Regionalnim centrom za zaštitu okoliša i pažnju poklanja aktivnostima Regionalne mreže za pristupanje u oblasti zaštite okoliša (RENA).

Učešće u Savjetodavnoj grupi međunarodnih finansijskih institucija (MFI) omogućava Vijeću da djeluje kao posrednik između donosioca politika, MFI-a, poslovne zajednice i socijalnih partnera. Kao posmatrač u Upravnom odboru Investicionog okvira za Zapadni Balkan (WBIF), Vijeće ima važnu ulogu u utvrđivanju projekata koji su kvalificirani za podršku WBIF-a, kao i u njihovoj kasnijoj realizaciji.

Pravosuđe i unutrašnji poslovi

Vijeće za regionalnu saradnju podržava, promovira i koordinira rad regionalnih inicijativa aktivnih u oblasti pravosuđa i unutrašnjih poslova na području cijele JIE, te na taj način osigurava da su njihovi napori usmjereni na međusobno jačanje, da se ne preklapaju i da su u skladu sa ciljevima koje region ima u pogledu integracije u EU. Strateški ciljevi obuhvataju:

- usmjeravanje i praćenje regionalne saradnje kroz Regionalni strateški dokument i akcioni plan za pravosuđe i unutrašnje poslove za period 2011.-2013. godina kojim se teži integriranju, usklađenju i transparentnoj regionalnoj saradnji, ali i omogućavanju usklađivanja donatorskih aktivnosti;
- borbu protiv organiziranog kriminala – ekonomskog i finansijskog, krijumčarenja droge i ilegalne trgovine ljudima. Pažnja se također posvećuje regionalnoj dimenziji borbe



protiv terorizma. Ključnu ulogu imaju Centar za borbu protiv prekograničnog kriminala Inicijative za saradnju zemalja Jugoistočne Evrope, Sekretarijat Konvencije o policijskoj saradnji, Udruženje šefova policija zemalja Jugoistočne Evrope, Savjetodavna grupa tužilaca zemalja Jugoistočne Evrope i Mreža tužilaca zemalja Zapadnog Balkana, uz podršku Vijeća.

- borbu protiv korupcije kroz podršku aktivnostima Regionalne inicijative za borbu protiv korupcije;
- izgradnju kapaciteta Regionalne inicijative za migracije, azil i izbjeglice;
- zaštitu fundamentalnih prava kao i saradnje na privatnim i građanskim pravnim pitanjima, uključujući pravo na slobodu i sigurnost, pristup pravdi, pravo na pravično suđenje i suđenje u razumnom roku, besplatnu pravnu pomoć, alternativno rješavanje sporova, mehanizme za pomoć i obeštećenje žrtvama kriminala.

Vijeće blisko saraduje sa relevantnim institucijama kao što su to agencije EU, Organizacija za sigurnost i saradnju u Evropi, Ured Ujedinjenih nacija za borbu protiv narkotika i kriminala, Vijeće Evrope, INTERPOL i EUROPOL.



Sigurnosna saradnja

U promociji sigurnosne saradnje u Jugoistočnoj Evropi, Vijeće za regionalnu saradnju ima mandat da:

- između relevantnih institucija vlasti uspostavi održive, integrirane, transparentne mehanizme saradnje u regionalnom vlasništvu;
- očuva i pospiješi djelotvorne inicijative i radne grupe koje dokazuju svoju sposobnost da daju opipljive rezultate u oblasti sigurnosti;
- inicira nove aktivnosti koje ne podrazumijevaju velike troškove, a koje imaju veliki uticaj na izgradnju povjerenja i transparentnost.

Vijeće saraduje sa regionalnim inicijativama koje su izradile relevantne projekte i mehanizme sigurnosne saradnje. U članstvu svake inicijative nalazi se nekoliko zemalja koje učestvuju u Procesu saradnje u JIE, kao i onih izvan ove oblasti, u zavisnosti od formata inicijative i obuhvaćenog regiona.

Vijeće je utvrdilo sljedeće prioritete za region:

- unaprjeđenje regionalnog dijaloga i mehanizama saradnje na pitanjima sigurnosti i odbrane, uključujući izradu zajedničkih strategija, planiranje i koordinaciju;

- razvoj regionalnog pristupa smanjenju rizika od katastrofa kroz učešće u programima Evropske komisije za smanjenje rizika od katastrofa i civilne zaštite, razvoj mreža u cilju borbe protiv šumskih požara, smanjivanje fiskalne odgovornosti u slučajevima prirodnih nepogoda, te unaprjeđenje regionalne saradnje u postupanju sa opasnim materijama.

Izgradnja ljudskih potencijala i parlamentarna saradnja

Izgradnja ljudskih potencijala je osnovni faktor dugoročne konkurentnosti Jugoistočne Evrope i uspješne integracije u EU u skladu sa ciljevima Lisabonske strategije i strategije Evropa 2020 zbog čega Vijeće:

- pomaže regionalnom projektu Strukturalne reforme visokog obrazovanja. Posebna pažnja se poklanja osiguranju sinergije i izbjegavanju preklapanja sa obrazovnim programima EU u cilju njegove dalje integracije u Evropsko područje visokog obrazovanja;
- doprinosi razvoju Regionalne strategije za istraživanja i razvoj u funkciji inovacija za Zapadni Balkan u cilju utvrđivanja postojećih istraživačkih kapaciteta i poboljšanja međusobne povezanosti između instituta i istraživača iz zemalja Zapadnog Balkana;
- koordinira novu fazu Ljubljanskog procesa od 2011. godine. Radna grupa RCC-a za kulturu i društvo uspostavljena je sa Sekretarijatom na Cetinju u Crnoj Gori kako bi preuzela rukovođenje projektom i aktivnosti na prikupljanju sredstava, te djelovala kao partner relevantnim državnim radnim grupama.

Kako bi se postavljene ciljevi ostvarili, Vijeće potiče povezivanje između civilnog društva i organizacija mladih tako što ih uključuje u svoje projekte.

Parlamentarna saradnja

Vijeće za regionalnu saradnju pomaže Procesu saradnje zemalja Jugoistočne Evrope u razvoju parlamentarne dimenzije njegovog rada. Vijeće doprinosi i pripremama sastanaka predsjedavajućih parlamenata zemalja članica SEECp-a, te pomaže u uspostavljanju mreže nacionalnih koordinatora na nivou poslanika u parlamentima i primjeni relevantnih dokumenata. Vijeće također radi na izgradnji Cetinskog parlamentarnog foruma u središte bolje koordinacije parlamentarnih aktivnosti na Zapadnom Balkanu, vezanih za pravnu stečevinu EU, kroz njegovo institucionaliziranje i uspostavljanje održivog Sekretarijata.

